

摘藻堂四庫全書薈要

集部

欽定四庫全書薈要

集部

御選歷代詩餘卷十四

五

詳校官編修臣汪鏞



欽定四庫全書薈要

御選歷代詩餘卷十四目錄

四十六字

清平樂

下

劉克莊

三首

趙彥端

王千秋

二首

陳亮

黃機

六首



劉鎮

李泳

戴復古

趙汝迓

盧祖皋

二首

高觀國

二首

韓淲

洪璚

盧炳 二首

潘枋

吳文英

陳允平

周密 六首

張炎 十一首

石孝友 三首

李肩吾 二首

林正大

李萊老

李彭老

趙與仁

李清照

朱淑真

孫道綯

王庭筠

二首

韓玉

段成已  
二首

李俊民

元好問  
二首

張弘範

劉秉忠

程鉅夫

盧摯  
三首

劉因 五首

白樸 二首

顏奎

張翥 二首

張埜 二首

顧德輝

劉基

楊基 三首

吳子孝 二首

吳山 二首

周用

王錫爵 二首

儲昌祚

莫是龍

陳繼儒 二首

王坊

陳子龍

朱灝

謝小潛

無名氏

御選歷代詩餘卷十四目錄

欽定四庫全書薈要卷二萬六百九十二集部

御選歷代詩餘卷十四

四十六字

清平樂

下

清平樂

劉克莊

織雲埽迹萬頃玻璃色醉跨玉龍遊八極歷歷天青海  
碧水晶宮殿飄香羣仙方按霓裳消得幾多風露變  
教人世清涼

前調

劉克莊

風高浪快萬里騎蟾背曾識姮娥真體態素面無粉  
黛身遊銀闕珠宮俯看積氣濛濛醉裏偶搗桂樹人  
間喚作涼風

前調

舞姬

劉克莊

宮腰束素只怕能輕舉好築避風臺護取莫遣驚鴻飛  
去一團香玉溫柔笑顰俱有風流貪與蕭郎看語不  
知舞錯伊州

前調

席上  
贈人

趙彥端

桃根桃葉一樹芳相接春到江南二三月迷損東家蝴蝶  
殷勤蹋取青陽風前花正低昂與我同心梳子報  
君百結丁香

前調

王千秋

吹花何處桃葉江頭路碧錦障泥衝暮雨一霎峭寒如  
許歸來索酒銀瓶潮紅秋水增明却自不禁春惱  
人低度歌聲

前調

王千秋

喚雲且住莫作龍池舞五月人間須好雨為婦無邊煩  
暑畦秧鉞綠重生壺天表裏俱清林外桔槔閒挂省  
渠多少心情

前調

陳亮

銀屏繡閣不道鮫綃薄嘶騎匆匆塵漠漠還過夕陽邨  
落亂山千疊無情今宵遮斷人行兩處香消夢覺一  
般曉月秋聲

前調

黃機

釵頭蝴蝶舞趁梅邊雪酒瀉黃滕光奪月歲歲年年蕉  
葉邊城鶯喚春堤沙場馬到秋肥脫却熊韜虎畧換  
渠金甲牙旗

前調

江上  
九日

黃機

西風獵獵又是登高節一片情深無處說秋滿江頭紅  
葉誰憐鬢影淒涼新來更點吳霜孤負萸囊菊盞年  
年客裏重陽

前調

黃機

風煙韶膩春事三之二說與人生行樂耳富貴古來如  
此西園已有心期姚黃魏紫開時纖指金荷漱澹香  
脣銀竹參差

前調

黃機

煙融雨膩春去三之二了却蘭亭修禊事拚與仙翁一  
醉方壺日月偏長清容花草吹香辦取此身强健功  
名飽看諸郎

前調

黃機

曉牕晴日一點黃金橘萬事如毛隨日出多少人間頭  
白未春長恨春遲春來生怕春歸辦取揭天簫鼓莫  
教孤負荼蘼

前調

黃機

西園啼鳥留得春多少客裏情懷無日好愁損連天芳  
草博山灰冷香殘微風吹滿銀箋卓午花陰不動一  
雙蝴蝶團圓

前調

趙園  
避暑

劉鎮

柳陰庭院簾約風前燕著雨荷花紅半斂消得盈盈綠  
扇竹光野色生寒玉纖雪藕冰盤長記酒醒人靜暗  
香吹月闌干

前調

李泳

乳雲將雨飛過鴛鴦浦人在小樓空翠處分得一襟離  
緒片帆隱隱歸舟天邊雪捲雲浮今夜夢魂何處青  
山不隔人愁

前調

戴復古

今朝欲去忽有人留處說與江頭楊柳樹繫我扁舟且  
住十分酒興詩腸難禁冷落秋光借取春風一笑狂  
夫到老猶狂

前調

趙汝迕

初鶯細雨楊柳低愁縷煙浦花橋如夢裏猶記倚樓別  
語小屏依舊圍香恨拋薄醉殘妝判却寸心雙淚為  
他花月淒涼

前調

盧祖皋

柳邊深院燕語明如翦消息無憑聽又嬾隔斷畫屏雙  
扇寶杯金縷紅牙醉魂幾度兒家何處一春遊蕩夢  
中猶恨楊花

前調

盧祖皋

錦屏開曉寒入宮羅峭脈脈不知春又老簾外舞紅多  
少舊時駐馬香街如今細雨蒼苔殘夢不成重理一  
雙蝴蝶飛來

前調

秋葉

高觀國

盤枝翦翠葉葉西風意吹上玉人雲鬢底無限新涼氣  
味飄蕭露捲煙柔絕憐不逐溪流寄語多情宋玉悲  
秋得似宜秋

前調

高觀國

春蕪雨濕燕子低飛急雲壓前山羣翠失煙水滿湖輕  
碧小蓮相見灣頭清寒不到青樓請上琵琶絃索今  
朝破得春愁

前調

韓流

蕭然在澗景色秋來冠幾縷明霞紅未斷矯首時時遐  
觀 回思五馬清游分明前輩風流留作山間佳話更  
誰愁上省頭

前調

漁父

洪璚

陣鴻驚處一網沈江渚落葉亂風和細雨撥棹不如歸  
去 蘆花輕泛微瀾篷牕獨自清閒一覺遊仙好夢任  
他竹冷松寒

前調

盧炳

琉璃翦葉點綴黃金屑雅淡幽姿風味別翠影婆娑弄  
月秋光占斷江南清香鼻觀先叅一朵折來和露烏  
雲髻畔斜簪

前調

盧炳

方池小小風皺玻璃皎數朶荷花開更好把住薰風一  
笑芳容淡注顰脂亭亭翠蓋相依只欠一雙鴻鴈便  
如畫底屏帷

前調

潘枋

淒淒芳草怨得王孫老瘦損腰圍羅帶小長是錦書來  
火玉簫吹落梅花曉煙猶透輕紗驚起半簾幽夢小  
牕淡月啼鴉

前調

書梳子  
畫扇

吳文英

柔柯翦翠蝴蝶雙飛起誰墮玉鈿花徑裏香帶薰風臨  
水露紅滴下秋枝金泥不染禪衣結得同心成了任  
教春去多時

前調

陳允平

鳳城春淺寒壓花梢顫有約不來梁上燕十二繡簾空  
捲去年共倚秋千今年獨倚闌干誤了海棠時候不  
成直待花殘

前調

周密

吹梅聲咽簾捲初弦月一寸春霏消蕙雪愁染垂楊帶  
結畫橋平接金沙軟紅淺隔兒家燕子未歸門掩晚  
妝空對菱花

前調

周密

曉鶯嬌咽庭戶溶溶月一樹緗桃飛茜雪紅豆相思漸  
結看看芳草平沙遊鞦韆猶未歸家自是蕭郎飄泊錯  
教人恨楊花

前調

周密

詩情畫意只在闌干裏雲露天低生爽氣一片吳山越  
水宮煙醉柳春晴海風細雨秋明喚取九霞飛珮夜  
涼跨鶴吹笙

前調

周密

錦城春曉苑陌芳菲早可是杜陵人未老日日酒迷花  
惱歸鞦新倚方醒醒來還有新吟人與杏花俱醉春  
風一路聞鶯

前調

周密

小橋縈綠密葉蔽吟屋千頃風煙森萬玉依舊輞川韋  
曲臨流照影何人悠然倚杖看雲柳色翠迷山色泉  
聲清和蟬聲

前調

周密

圖書一室春暖垂簾隙花滿翠壺熏硯席睡覺半牕晴  
日手寒不了殘棋篝香細勘唐碑無酒無詩情緒欲  
梅欲雪天時

前調

張炎

候蛩淒斷人語西風岸月落沙平江似練望盡蘆花無  
鴈暗教愁損蘭成可憐夜夜闌情只有一枝梧葉不  
知多少秋聲

前調

張炎

暗香千樹結屋中間住明月一方流水護夢入梨雲深  
處 清冰隔斷塵埃無人蹋碎蒼苔一自逋仙歸後吟  
詩不下山來

前調

張炎

黑雲飛起夜月啼湘鬼魂返雲根無二紙千古不隨流  
水 蕪心淡染清華似花還似非花要與閒梅相處孤  
山山下人家

前調 牡丹

張炎

百花開後一朶疑堆繡絕色年年常似舊因甚不隨春  
瘦 脂痕淡約蜂黃可憐獨倚新妝太白醉遊何處定  
應忘了沉香

前調

平原  
牧馬

張炎

轡搖銜鐵蹴蹋平原雪勇趁軍聲曾汗血間過昇平時  
節 茸茸春草天涯涓涓野水晴沙多少驂騮老去至  
今猶困鹽車

前調

題倦  
耕圖

張炎

一犁初卸息影斜陽下角上漢書何不挂老子近來慵  
跨煙村草樹離離臥看流水忘歸莫飲山中清味怕  
教洗耳人知

前調

張炎

采芳人杳頓覺遊情少客裏看春多草草總被詩愁分  
了去年燕子天涯今年燕子誰家三月休聽夜雨如  
今不是催花

前調

題墨仙  
雙清圖

張炎

丹丘瑶草不許秋風掃  
記得對花曾被惱  
猶似前時春好  
湘皋閒立雙清相看波冷無聲  
獨說長生未老不知老却梅兄

前調

題畫  
蘭

張炎

三花一葉比似前時別  
煙水茫茫無處說  
冷却西湖風月  
貞芳只合深山紅塵了不相關  
留得許多清影幽香不到人間

前調

題平沙  
落鴈圖

張炎

平沙流水葉老蘆花未落鴈無聲還有字一片瀟湘古  
意扁舟記得幽尋相尋只在寒林莫趁春風飛去玉  
闌夜雪猶深

前調

張炎

五湖一葉風浪何時歇醉裏不知花影別依舊空山明  
月夜深鷓鴣怨歸遲此時那處堪歸門外一株楊柳折  
來多少相思

前調

石孝友

山明水嫩瀟灑桐廬郡極目風煙無限景說也如何得  
盡自憐俗狀塵容幾年斷梗飄蓬借使嚴陵知道祇  
應笑問東風

前調

石孝友

天涯重九獨對黃花酒醉撚黃花和淚嗅憶得去年攜  
手去年同醉沅霞醉中折盡黃花還是黃花時候去  
年人在天涯

前調

石孝友

惱花風雨斷送春將暮百計留春春不住那更送春歸  
去今朝且賦歸歎明年春滿皇都共泛桃花錦浪與  
公同醉西湖

前調

李肩吾

夢魂尋徧忽向尊前見好似烏衣春社燕軟語東風庭  
院丁寧記取兒家碧雲隱約紅霞直下小橋流水門  
前一樹桃花

前調

李肩吾

東風無用吹得愁眉重有意迎春無意送門外濕雲如  
夢韶光九十慳慳俊游回首關山燕子可憐人去海  
棠不分春寒

前調

括李白  
採蓮曲

林正大

若耶溪女笑隔荷花語日照新妝明楚楚香袖風飄輕  
舉誰家白面遊郎兩三遙映垂楊醉蹋落花歸去躑  
躑空斷柔腸

前調

李萊老

日寒風細庭館浮花氣白髮潘郎吟欲醉綠暗蘿蕪千  
里西園南浦東城一春多少閒情日暮采蘋歌遠夢  
回喚得愁醒

前調

李彭老

綠牕初曉枕上聞啼鳥不恨王孫歸不早只恨天涯芳  
草錦書紅淚千行一春無限思量折得垂楊寄與絲  
絲都是柔腸

前調

趙與仁

柳絲搖露不縮蘭舟住人宿溪橋知那處一夜風聲千  
樹曉樓望斷天涯過鴻影落寒沙可惜些兒秋意等  
閒過了黃花

前調

宋媛

李清照

年年雪裏常插梅花醉按盡梅花無好意贏得滿衣清  
淚今年海角天涯蕭蕭兩鬢生華看取晚來風勢故  
應難看梅花

前調

宋媛

朱淑真

風光緊急三月俄三十擬欲留連計無及綠野煙愁露  
泣倩誰寄語春宵城頭畫鼓輕敲繾綣臨歧囑付來  
年早到梅梢

前調

雪

宋媛

孫道絢

悠悠颺颺做盡輕模樣半夜蕭蕭牕外響多在梅邊竹  
上朱樓向晚簾開六花片片飛來無奈熏爐煙霧騰  
騰扶上金釵

前調

杏花

王庭筠

今年春早到處花開了只有此枝春恰到月底輕顰淺  
笑風流全似梅花承牕疎影橫斜夢想溪南溪北竹  
籬茅舍人家

前調 應制

王庭筠

瓊枝瑤月簾捲黃金闕宮鬢蛾兒雙翠葉點綴離離闌  
雪東風扇影低還紅雲不隔天顏夜夜華燈萬樹年  
年碧海三山

前調 贈基  
者

韓玉

梅花照雪渾似人清絕香疊紺螺雙背結曾侍霓旌絳  
節如今却向塵寰碁中寄箇蕭閒縱便阿郎多事也  
須偷畫春山

前調

薛子余  
生子

段成已

東君調護錯怨春遲暮一葉蘭芽今始露香滿君家庭  
戶抱看玉骨亭亭精神秋水分明自是人間英物不  
須更試啼聲

前調

送張君美  
之任安西

段成已

雞聲戒曉催上長安道賓幕雍容年正妙人物風流温  
嶠政成海泳江涵門闌剩有餘閒公事不妨行樂春  
風韋杜城南

前調

李俊民

黃花今吐纔是秋光暮依舊滿城風又雨勾引錦囊詩  
句東籬尚可重遊羨君來往風流莫惜尊前健倒這  
回節去蜂愁

前調

元好問

香凝嬌聚玉立臨春樹細看司花留意處都在輕勻淺  
注 相逢南陌東城有情只是無情說與新來憔悴鶯  
兒不解丁寧

前調

元好問

離腸宛轉瘦覺妝痕淺飛去飛來雙乳燕消息知郎近  
遠 樓前小雨珊珊海棠簾幙輕寒杜宇一聲春去樹  
頭無數青山

前調

張弘範

關河南北有鴈無消息落日樓頭人正憶啼鳥一聲山  
碧鶯鶯燕燕爭春紅塵馬足車輪惟有新豐豪客東  
風老淚沾巾

前調

劉秉忠

彩雲盤結何處歌聲咽歌罷彩雲歸絳闕掉下階前明  
月月華千古分明照人一似無情不道天涯離客夢  
回愁對三更

前調

程鉅夫

新來酒戶想勝看花處帶得春行平壤路同笑同歌同  
住灤陽近却山家芒屨夜夜丹霞流水落花歸思蒼  
煙白石生涯

前調

送友

盧摯

朱絃三歎寶瑟凝塵滿更奈芙蓉秋思晚湘浦離歌欲  
斷往年尊俎風流憶君送客江樓此日江樓送客忘  
懷賴有沙鷗

前調

盧摯

年時寒食直到清明日草草杯盤聊自適  
不管家徒四壁今年寒食無家東風恨滿  
天涯早是海棠睡去莫教醉了梨花

前調

盧摯

海棠癡絕忙甚都開徹不是蕪菁花上蝶  
誰為清明作節溪山今日無塵繡衣却待  
禁春莫遣鳴騶多事老夫也是遊人

前調

山亭  
留宿

劉因

山翁醉也欲返黃茅舍醉裏忽聞留我者說道羣花未  
謝脫巾就臥松龕覺來詩思方酣欲借白雲為墨淋  
漓灑徧晴嵐

前調

劉因

青松偃蹇不受春風管松下幽人心自遠驚怪人間日  
短微茫雲海蓬萊十年一度春來爭信門前桃李年  
年花落花開

前調

劉因

卷十四  
青天仰面臥看浮雲卷蒼狗白衣千萬變都被幽人窺  
見 偶然夢見華胥覺來花影扶疎牕下魯論誰誦呼  
來共咏舞雩

前調

劉因

雨晴簫鼓四野歡聲舉平昔飲山今飲雨來就老農歌  
舞 半生負郭無田寸心萬國豐年誰識山翁樂處野  
花啼鳥欣然

前調 慕

劉因

棊聲清美盤礴青松底門外行人遥指示好箇爛柯仙  
子輸贏都付欣然興闌依舊高眠山鳥山花相語翁  
心不在棊邊

前調

木屏  
花

白樸

碧雲葉底萬點黃金蕊更看薔薇清露洗澤國秋光如  
水餘生牢落江南幽香鼻觀曾參見說小山招隱夢  
魂夜夜雲巖

前調

白樸

登篔簹小字夢覺參差是不種仙家白玉子著甚閒消好  
事 桃花門外重重一言半語相通縈損題詩崔護幾  
回南陌春風

前調

留王  
靜得

顏奎

留君少住且待晴時去水鶴夜深雲外語明日棠梨花  
雨 尊前不盡餘情都上鳴絃細聲二十四番風後綠  
陰芳草長亭

前調

張翥

階庭晝永繞石芭蕉影半蟬雲鬢慵不整寂寞朝醒乍  
醒 緜裊翠被風流背人無限嬌羞玉腕一雙跳脫欠  
伸渾是春愁

前調

約道人  
看杏花

張翥

東風陣陣第幾番花信驟李癡桃消息近寫取鸞牋試  
問 君家楊柳牆東杏花初吐生紅好喚一牀金鴈明  
朝來醉春風

前調

張埜

別離心軟爭似交情淺去路愁腸千百轉回首高城天  
遠斷雲寒雨西樓落霞孤鶩南州應滿歸期約定忍  
教劃損搔頭

前調

張 埜

日長庭館尚問寒深淺底事今年花倍晚柳外東風未  
軟韶光已近春分小桃猶指霜痕天意憐予病起故  
教遲吐清芬

前調

題桐花道人卷

顧德輝

鳳簫聲度十二瑤臺暮開徧瓊花千萬樹纔入謝家詩  
句仙人酌我沆霞夢中知是誰家酒醒休扶上馬為  
君一洗琵琶

前調 早春

劉基

春風欲到小草先知道黃入新萸顏色好圖遣王孫歸  
早興來策杖微行枝頭布穀初鳴喜見兒童相報牆  
根薺菜先生

前調 江寧  
春館

楊基

梅酸杏小人與春俱老一架荼蘼開徧了能得歡娛多  
少陰陰綠樹青苔都無半點塵埃寄語此中猿鶴先  
生早晚歸來

前調

楊基

狂歌醉舞俯仰成今古短髮蕭蕭纔幾縷聽徧江南春  
雨歸來茅屋三間桃花流水潺潺莫向牕前種竹先  
生要看西山

前調  
柳

楊基

欺煙困雨拂拂愁千縷曾把腰肢羞舞女贏得輕盈如  
許猶寒未暖時先將昏漸曉池塘記取春來楊柳風  
沉全在輕黃

前調

吳子孝

碧山池小秋入池波早開盡荷花花已老綠葉翠莖猶  
好年光如與人期不容白髮生遲坐對江山一笑酒  
闌且唱清詞

前調

吳子孝

春光初到簾外寒仍峭一樹梅花冰尚繞開處不禁風  
裊擁爐呵凍揮毫滿斟玉笋香醪勝似明光侍直曉  
霜鵠立螭坳

前調

滕王閣

吳山

秋光如許鴈字排空去十二闌干凝眺處簾捲西山暮  
雨白沙翠竹柴門落霞孤鶩江村况是亭皋葉下蕭  
蕭最愴吟魂

前調

吳山

停歌罷舞俯仰成今古感慨不須題短句誰似三王詞  
賦秋屏翠埽朝暎仙人鐵柱長存休問滕王遺事蝶  
羅銷盡香痕

前調

周用

檀槽絃索一曲清平樂日色曛曛花影薄試暖春光先  
覺重重簾幙羅幃風輕燕子交飛早晚書來問訊東  
山開過薔薇

前調

王錫爵

小橋西去漸逼幽香處正放梅花千萬樹月色橫空滿  
路疑仙疑夢無端徧身只覺清寒一點塵纖都盡已  
成雪肺冰肝

前調

王錫爵

荷開綠扇十里鋪湖面雖未著花紅朶現已占清香一  
片趁前垂柳陰濃停鞭小駐從容髣髴江鄉風味引  
將倦眼惺鬆

前調

春雪

儲昌祚

雪眠風埽飄舞知多少盼斷天涯春色杳一夜銅峰都  
老金猊桂蠹重燃煙籠修竹千竿只有梅花添恨幾  
枝早落階前

前調

莫是龍

春光已半無語空腸斷亭院落花脂粉亂埽却坐來還  
滿玉關消息難憑機頭錦字初成愁似故園芳草東  
風一夜還生

前調

陳繼儒

有兒事足一把茅遮屋若使薄田耕不熟添箇新生黃  
犢 閒來也教兒孫讀書不為功名種竹澆花釀酒世  
家閉戶先生

前調

陳繼儒

漏長寒夜悶對孤燈地枕裏華胥思夢駕少個麴生相  
逐 無人記省淵明玉樓凍合三更半卷黃庭初畢輕  
雷忽起茶鐺

前調

王坊

春歸何處應是隨風去仔細追尋風去路只有亂紅無  
數年時曾囑東皇再休背我堂堂何事而今不顧竟  
隨柳絮飄揚

前調

陳子龍

繡簾花散難與東風算拈得金鍼絲又亂尚剩檀心一  
半幾回黛蹙雙蛾斜添紅縷微波閒看燕泥欲墮柳  
絲吹滿輕羅

前調

朱顥

雨餘虹繫鸛負斜陽逝  
秀樹橫林紛若薺蜂蝶同徵花  
稅柴門過盡歸樵溪聲半入詩  
瓢淡靄空描戲墨狂  
禽能發新詠

前調

明媛  
謝小湑

良辰初到春色隨時鬧  
妝點蛾眉因甚早人在咸陽古  
道當年曾別長亭今朝嘶馬縈情  
寂寞黃昏時候瑣  
牕夜夜風生

前調

無名氏

湘簾不捲繡閣愁添線小立調鸚生午倦無那風花一片玉彎斜枕檀腮芙蓉藕上微開庭院濃陰寂寂窺人燕子飛來

御選歷代詩餘卷十四

欽定四庫全書蒼要

御選歷代詩餘卷十五目錄

四十六字

更漏子

又一體

溫庭筠

六首

韋莊

牛嶠

二首

毛文錫

顧夔

孫光憲

二首

毛熙震

二首

馮延巳

五首

晏殊

二首

晏幾道

四首

張先

二首

蘇軾

李之儀

賀鑄 四首

杜安世

毛滂 三首

向子諲 三首

趙長卿

許棐

洪咨夔

高觀國

歐良 二首

石孝友

蘇氏

張淑芳

劉基

陳子龍

十二時

晁補之

謝懋

無名氏

二首

畫堂春

謝懋

海棠春

馬莊父

卜算子

又一體

杜安世

前調

又一體

杜安世

浣溪紗

又一體

顧夙

後庭花

又一體

孫光憲

前調

又一體

孫光憲

憶秦娥 又一體

李白

蘇軾

秦觀

晁補之

李之儀

周紫芝

周邦彥

万侯雅言

向子諲

蔡伸 二首

趙師俠

趙長卿

張元幹

曾覲 三首

楊无咎

范成大  
五首

陳三聘  
五首

張孝祥  
四首

程垓  
二首

楊萬里

劉克莊  
二首

趙彥端

王千秋  
二首

楊炎

黃機

韓流

汪莘

沈端節

房舜卿

何夢桂

無名氏

二首

朱淑真

孫道綯

完顏壽

趙秉文

張翥

二首

趙雍

倪瓚

二首

楊基

王達

史鑑

陳子龍

陸卿子

葉小鸞

王微

前調

又一體

賀鑄

二首

朱雍

程垓

陸游

張輯

高觀國

孫道綸

顏奎

欽定四庫全書

御選歷代詩餘  
卷十五目錄

御選歷代詩餘卷十五目錄

欽定四庫全書薈要卷二萬六百九十三

集部

御選歷代詩餘卷十五

四十六字

更漏子

又一體雙調四十六字換頭起三字兩句或兩叶仄韻或起平句歷代不拘也

更漏子

溫庭筠

柳絲長春雨細花外漏聲迢遞驚塞鴈起城烏畫屏金  
鷓鴣香霧薄透簾幕惆悵謝家池閣紅燭背繡簾垂  
夢長君不知

前調

溫庭筠

星斗稀鐘鼓歇  
簾外曉鶯殘  
月蘭露重柳風斜  
滿庭堆落花  
虛閣上倚闌望  
還似去年惆悵  
春欲暮思無窮  
舊歡如夢中

前調

溫庭筠

金雀釵紅粉面  
花裏暫時相見  
知我意感君憐  
此情須問天  
香作穗蠟成淚  
還似兩人心意  
山枕膩錦衾寒  
覺來更漏殘

前調

温庭筠

相見稀相憶久眉淺淡煙如柳垂翠幕結同心待郎薰  
繡衾城上月白如雪蟬鬢美人愁絕宮樹暗鵲橋橫  
玉籤初報明

前調

温庭筠

背江樓臨海月城上角聲嗚咽堤柳動島煙昏兩行征  
鴈分京口路歸帆渡正是芳菲欲度紅燭盡玉繩低  
一聲村落雞

前調

溫庭筠

玉爐香紅蠟淚偏照畫堂秋思眉翠薄鬢雲殘夜長衾  
枕寒梧桐樹三更雨不道離情正苦一葉葉一聲聲  
空階滴到明

前調

韋莊

鐘鼓寒樓閣暝月照古桐金井深院閉小庭空落花香  
露紅煙柳重春霧薄燈背水牕高閣閒倚戶暗沾衣  
待郎郎不歸

前調

牛嶠

星漸稀漏頻轉何處輪臺聲怨香閣掩杏花紅月明楊  
柳風 挑錦字記情事惟願兩心相似收淚語背燈眠  
玉釵橫枕邊

前調

牛嶠

南浦情紅粉淚爭奈兩人深意低翠黛卷征衣馬嘶霜  
葉飛 招手別寸腸結還似去年時節書托鴈夢歸家  
覺來江月斜

前調

毛文錫

春夜闌春恨切花外子規啼月人不見夢難憑紅紗一點燈  
偏怨別是芳節庭下丁香千結宵霧散曉霞暉  
梁間雙燕飛

前調

顧夘

舊歡娛新悵望擁鼻含顰樓上濃柳翠晚霞微江鷗接  
翼飛簾半捲屏斜掩遠岫參差迷眼歌滿耳酒盈尊  
前非不要論

前調

孫光憲

燭熒煌香旖旎閒放一堆鴛鴦被慵就寢獨無悽相思魂  
欲銷 不會得這心力判了依前還憶空自怨奈伊何  
別來情更多

前調

孫光憲

聽寒更聞遠鴈半夜蕭娘深院扃繡戶下珠簾滿庭噴  
玉蟾 人語靜香閨冷紅幕半垂清影雲雨態蕙蘭心  
此情江海深

前調

毛熙震

秋色清河影淡深戶燭寒光暗綃幌碧錦衾紅博山香  
炷融更漏咽蛩鳴切滿院霜華如雪新月上薄雲收  
映簾懸玉鈎

前調

毛熙震

煙月寒秋夜靜漏轉金壺初永羅幕下繡屏空燈花結  
碎紅人悄悄愁無了思夢不成難曉長憶得與郎期  
竊香私語時

前調

馮延巳

金剪刀青絲髮香墨蠻牋親劄和粉淚一時封此情千  
萬重蓬垂鬢塵侵鏡已分今生薄命將遠恨上高樓  
寒江天外流

前調

馮延巳

秋水平黃葉晚落日渡頭雲散捲珠箔挂金鈎暮潮人  
倚樓歡娛地思前事歌罷不勝沉醉消息遠夢魂狂  
酒醒空斷腸

前調

馮延巳

鴈南飛人獨坐看却一秋空過  
瑤草短菊花殘蕭條漸  
向寒 簾幕裏青苔地誰信閒愁如醉  
星移後月圓時  
風搖夜合枝

前調

馮延巳

夜初長人近別夢覺一牕殘月  
鸚鵡睡蟋蟀鳴西風寒  
未成 紅蠟燭彈碁局牀上畫屏  
山綠褰繡幌倚瑤琴  
前懽淚滴襟

前調

馮延巳

風帶寒枝正好蘭蕙無端先老情悄悄夢依依離人殊  
未歸 褰羅幕倦未閣不獨堪悲搖落月東出鴈南飛  
誰家夜搥衣

前調

晏殊

舜華濃山翠淺一寸秋波如翦紅日永綺筵開暗隨仙  
馭來 遏雲聲迴雪袖占斷曉鶯春柳纔送目又顰眉  
此情誰得知

前調

晏殊

雪藏梅煙著柳依約上春時候初送鴈欲聞鶯綠池波  
浪生探花開留客醉憶得去年情味金盞酒玉爐香  
任他紅日長

前調

晏幾道

檻花稀池草徧冷落吹笙庭院人去日燕西飛燕歸人  
未歸數書期尋夢意彈指一年春事新悵望舊悲涼  
不堪紅日長

前調

晏幾道

柳絲長桃葉小深院斷無人到紅日淡綠煙晴流鶯三  
兩聲雪香濃檀暈少枕上卧枝花好春思重曉妝遲  
尋思殘夢時

前調

晏幾道

柳間眠花裏醉不惜繡裙鋪地釵燕重鬢蟬輕一雙梅  
子青粉箋書羅袖淚還有可憐新意遮悶綠掩羞紅  
晚來團扇風

前調

晏幾道

露華高風信遠宿醉畫簾低捲梳洗倦冶遊慵綠牕春  
睡濃 綵條輕金縷重昨日小橋相送芳草恨落花愁  
去年同倚樓

前調

流杯堂  
席上作

張先

相君家賓宴集秋葉曉霜紅濕簾額動水紋浮綵花和  
水流 薄霞裳酣酒面重把琵琶輕按迴畫撥抹么絃  
一聲飛露蟬

前調

張先

杜陵春春樹晚傷別更堪臨遠南去信欲憑誰歸鴻多  
北歸小桃枝紅蓓發今夜昔時風月休苦憶說相思  
此情人不知

前調

送孫  
巨源

蘇軾

水涵空山照市西漢二疏鄉里新白髮舊黃金故人恩  
義深東海頭山盡處自古客槎來去槎有信赴秋期  
使君行即歸

前調

李之儀

暑方煩人似愠悵望林泉幽峻情會處景偏長心清聞  
妙香 寶幢低金鎖碎竹影桐陰牕外新事舊舊愁新  
空嗟不見人

前調

賀鑄

上東門門外柳贈別每煩纖手一葉落幾番秋江南獨  
倚樓 曲闌干凝佇久薄暮更堪搔首無際恨見閒愁  
侵尋天盡頭

前調

賀鑄

繡羅垂花蠟換問夜何其將半侵烏履促杯盤留歡不  
作難 令隨闌歌應彈舞按霓裳前段翻翠袖怯春寒  
玉闌風牡丹

前調

賀鑄

付金釵平斗酒未許解攜纖手吟驚句寫詩愁遊驂為  
少留 舊遊賒新夢後月映隔牕疎柳閒硯席騰衾裯  
今秋似去秋

前調

賀鑄

酒三行琴再弄宛是和鳴雙鳳羅斗帳繡屏風濃香夜  
夜同 去年懽今夕夢惆悵曉鐘初動休道夢覺來空  
當時亦夢中

前調

杜安世

雪肌輕花臉薄愁困不忺梳掠眉翠裊眼波長恨人言  
語香 看難厭憐不足苦恨別離何速珠樹遠彩鸞孤  
今生重見無

前調

熏香  
曲

毛滂

玉後猊金葉暖馥馥香雲不斷長下著繡簾重怕隨花  
信風 傍薔薇搖露點衣潤得香長遠雙枕鳳衾  
柳煙花霧間

前調

初秋  
雨後

毛滂

綠牕寒清漏短帳底沈香火暖殘燭暗小屏彎雲峰遮  
夢還 那些愁推不去分付一簷寒雨簷外竹試秋聲  
空庭鶴喚人

前調

和孫公素汎  
舟觀競渡

毛滂

柳藏煙雲漏日寒滿雕盤玉食風捲旆水搖天魚龍挾  
彩船水邊人波面樂太守與民同樂春好處總隨軒  
花中誰狀元

前調

雪中韓叔  
夏席上

向子諲

小牕前踈影下鸞鏡弄妝初罷梅似雪雪如人都無一  
點塵暮江寒人鄉音絕更著朦朧微月山似玉玉如君  
相思一笑溫

前調

題趙伯山  
清白軒

向子諲

竹孤青梅皦白更著使君清絕梅似竹竹如君須知德  
有鄰 月同高風同調月底風前一笑翻翠影度浮香  
與人風味長

前調

向子諲

鵲橋邊牛渚上翠節紅旌相向承玉露御金風年年歲  
歲同 嬾飛梭停弄杼遙想綵雲深處人咫尺似關山  
無聊獨倚闌

前調

趙長卿

日彤彤風蕩蕩簾外柳花飛颺紅有限綠無窮雨晴芳  
徑中 腸寸結縈離別還是去年時節春暮也子規啼  
傷春三月時

前調

許棐

淚淹紅腮褪粉等得玉銷花損羞阮鳳怯箏鸞指寒無  
好彈 一庭雪半牕月又是獨眠時節孤枕怨小屏愁  
天涯夢裏遊

前調

夜聞桂  
香次韻

洪咨夔

眼生花燈綴粟人在黃金列屋金縷細道冠明膽瓶涼  
意生 緩歌絃停酒尊待得香風吹下斜月轉斷雲回  
風流不讓梅

前調

高觀國

玉簫閒清韻咽人倚畫闌愁絕雲惱月月羞雲半溪梅  
影昏 恨春風消散後夜夜數殘更漏情悄悄思依依  
天寒一鴈飛

前調

歐良

畫樓深春晝永簾幙東風微冷鶯囀罷燕歸來佳人午  
夢回鬢釵橫眉黛淺一捻楚腰纖軟推繡戶倚雕闌  
無言看牡丹

前調

歐良

鬢慵梳眉慵畫獨自行來花下情脈脈淚垂垂此情知  
為誰雨初晴簾半捲兩兩銜泥新燕人比燕不成雙  
枉教人斷腸

前調

石孝友

驪吟鞭敲醉帽行盡關山古道霜滿地水平田鴈兒聲  
在天北沙門南浦岸望得眼穿腸斷桐樹巷夢雲樓  
玉兒應也愁

前調

寄李  
玉妹

宋媛

蘇氏

小闌干深院宇依舊當時別處朱戶鎖玉樓空一簾霜  
日紅弄珠江何處是望斷碧雲無際凝淚眼出重城  
隔溪羌笛聲

前調

宋 張淑芳

張淑芳

墨痕香燈下淚點點愁人幽思桐花落蓼花殘鴈聲天  
氣寒 雲棲月青溪塢村到秋來更苦風淅淅水盈盈  
淙淙激不平

前調

咏馬

劉 基

塞門雲湘浦樹畢竟故鄉何處楓葉渚蓼花磯水深繒  
繳稀 蓬萊闕扶桑島極目茫茫煙草蘆荻老稻梁空  
月明江上風

前調

陳子龍

愁眉曉明妝夜多為海棠欲謝紗牕下繡牀閒沈吟花  
信寒 殘紅瀉餘香惹撩亂日長時也門寂寂意茫茫  
憑他雙燕忙

十二時

一名桃花曲亦名憶  
少年雙調四十六字

十二時

晁補之

無窮官柳無情畫舸無根行客南山尚相送只高城人

隔 罨畫園林溪紺碧算重來盡成陳迹劉郎鬢如此  
况桃花顏色

前調

寒食

謝懋

池塘綠徧王孫芳草依依斜日游絲捲晴晝繫東風無力  
蝶趁幽香蜂釀蜜鞦韆外卧紅堆碧心情費消遣  
更梨花寒食

前調

無名氏

踈踈整整斜斜澹澹盈盈脈脈徒憐暗香句笑梨花顏

色 羈馬蕭蕭行又急空回首水寒沙白天涯倦牢落  
忽一聲長笛

前調

無名氏

淒涼天氣淒涼院落淒涼時候孤鴻叫斜月伴寒燈殘  
漏 落盡梧桐秋影瘦菱鑑古畫眉難就重陽又近也  
對黃花依舊

畫堂春

雙調四

十六字

畫堂春

謝懋

西風庭院雨垂垂  
黃花秋閨遲已涼  
天氣未寒時纔褪  
單衣  
睡起枕痕猶在  
鬢鬆釵壓雲低  
玉匳重拂淡  
脂情入雙眉

海棠春

或添令字亦名海棠  
花雙調四十六字

海棠春

馬莊父

柳腰暗怯花風弱  
紅映秋千院落  
歸逐鴈兒飛斜  
撼珍

珠箔滿林翠葉  
脂萼不忍頻頻  
覩著護取一庭春  
莫彈花間雀

卜算子

又一體  
雙調  
四十六字

卜算子

杜安世

尊前一曲歌  
歌裏千金意  
纔欲歌時淚已流  
恨應更多  
於淚試問緣何事  
不語如癡醉  
我亦情多不忍聞  
怕和我成憔悴

前調

又一體

杜安世

深院花鋪地  
淡淡陰天氣  
水殿風微  
朱明景又別  
是愁情味  
有情奈無計  
謾惹成憔悴  
欲把羅巾暗傳寄  
細認處  
斑點淚

浣溪沙

又一體 雙調

四十六字

浣溪沙

顧夙

紅藕香殘翠渚平  
月籠虛閣夜蛩清  
天際鴻枕上夢兩

牽情 寶帳玉爐殘  
麝冷羅衣金縷暗  
塵生小牕涼  
孤燭背淚縱橫

### 後庭花

又一體雙調  
四十六字

### 後庭花

孫光憲

景陽鐘動宮鶯囀  
露涼金殿輕飈吹起  
瓊花綻玉葉如  
翦  
晚來高閣上珠簾  
捲見墜香千片  
修蛾慢臉陪雕  
輦後庭新讌

前調

又一體

孫光憲

石城依舊空江國  
故宮春色七尺青  
絲芳草碧絕世難  
得  
玉英彫落盡更何人  
識野棠如織只是教人添怨  
憶悵望無極

憶秦娥

又一體雙調四十六字一名秦樓月一名碧雲深  
一名雙荷葉雖列又一體然調名始自李白詞其  
三十七字與四十一字皆後  
人換格此為原調正格也

憶秦娥

李白

簫聲咽秦娥夢斷秦樓月秦樓月年年柳色霸陵傷別  
樂遊原上清秋節咸陽古道音塵絕音塵絕西風殘  
照漢家陵闕

前調

蘇軾

雙溪月清光偏照雙荷葉雙荷葉紅心未偶綠衣偷結  
背風迎雨淚珠滑輕舟短棹先秋折先秋折煙鬟未  
上玉杯微缺

前調

秦觀

暮雲碧佳人不見愁如織愁如織兩行征鴈數聲羌笛  
錦書難寄西飛翼無言只是空相憶空相憶紗牕月  
淡影雙入隻

前調

送別

晁補之

牽人意高堂照碧臨煙水清秋至東山時伴謝公攜妓  
黃菊雖殘堪泛蟻乍寒猶有重陽味應相記坐中少  
箇孟嘉狂醉

前調

李之儀

清溪咽霜風洗出山頭月山頭月迎得雲歸還送雲別  
不知今是何時節凌歎望斷音塵絕音塵絕帆來帆  
去天邊雙闕

前調

周紫芝

東風歇香塵滿院花如雪花如雪看看又是黃昏時節  
無言獨自添香熱相思情緒無人說無人說照人只  
有西樓斜月

前調

周邦彥

香馥馥尊前有箇人如玉人如玉翠翹金鳳內家妝束  
嬌羞愛把眉兒蹙逢人只唱相思曲相思曲一聲聲  
是怨紅愁綠

前調

萬俟雅言

天如洗金波冷浸冰壺裏冰壺裏一年得似此宵能幾  
等閒莫把闌干倚馬蹄去便三千里三千里幾重雲  
岫幾重煙水

前調

向子諲

蟲聲切柔腸欲斷傷離別傷離別幾行清淚界殘紅頰  
玉階白露侵羅幃下簾却望玲瓏月玲瓏月寒光零  
亂照人愁絕

前調

蔡伸

湖光碧春花秋月無今昔無今昔十年往事盡成陳迹  
玉簫聲斷雲屏隔山遙水遠長相憶長相憶一生懷  
抱為君牽役

前調

蔡伸

花陰月蘭堂夜宴神仙客神仙客江梅標韻海棠顏色  
良辰佳會誠難得花前一醉君休惜君休惜楚臺雲  
雨今夕何夕

前調

趙師俠

傷離索不堪涼月穿珠箔穿珠箔料應別後粉消瓊削  
無聊倚徧西樓角枝頭幾誤驚飛鵲驚飛鵲先來憔悴  
更逢搖落

前調

趙長卿

寒蕭索征鴻過盡離懷惡離懷惡江空天迴夜寒楓落  
有人應誤刀頭約情深翻恨郎情薄郎情薄夢回長  
是半牀閒却

前調

張元幹

桃花萼雨肥紅綻東風惡東風惡長亭無際短書難託  
征衫辜負深閨約禁煙時候春羅薄春羅薄多應消  
瘦可忺梳掠

前調

曾覲

晴空碧吳山染就丹青色丹青色西風搖落可堪悽惻  
世情冷暖君應識鬢邊各自侵尋白侵尋白江南江  
北幾時歸得

前調

曾覲

風蕭瑟邯鄲古道傷行客傷行客繁華一瞬不堪思憶  
叢臺歌舞無消息金尊玉管空陳迹空陳迹連天衰  
草暮雲凝碧

前調

曾覲

暮雲蹙小亭對雪斟醴醴醴醴一聲羌笛落梅簌簌  
舞衣旋趁霓裳曲倚闌相對人如玉人如玉錦屏羅  
幌漸成不足

前調

楊元咎

情難足不堪黃帽催行速催行速扁舟一葉別愁千斛  
津亭送客驚相囑舉杯欲唱眉先蹙眉先蹙背人掩  
面不能終曲

前調

范成大

樓陰缺闌干影外東廂月東廂月一天風露杏花如雪  
隔煙催漏金蚪咽羅幃暗淡燈花結燈花結片時春  
夢江南天闊

前調

范成大

湘江碧故人同作湘中客湘中客東風回鴈杏花寒食  
溫溫月到藍橋側醒心絃裏春無極春無極明朝殘  
夢馬嘶南陌

前調

范成大

紗牕薄日紅穿幔催梳掠催梳掠新晴天氣畫簷聞鵲  
海棠逗曉都開却小雲先在闌干角闌干角楊花滿  
地夜來風惡

前調

范成大

珠簾狹卷簾西院花園合花園合晝長人靜雙雙蝴蝶  
花前苦殢金蕉葉管騰午睡扶頭怯扶頭怯閒愁無  
限遠山斜疊

前調

范成大

香羅薄帶圍寬盡無人覺無人覺東風日暮一簾花落  
西園空鎖秋千索簾垂簾捲閒池閣閒池閣黃昏香  
火畫樓吹角

前調

陳三聘

雲衣薄春晴自有東風掠東風掠試聽枝上幾聲乾鵲  
曲屏心事新題却離愁何用堆眉角堆眉角今朝莫  
是打頭風惡

前調

陳三聘

花前狹翠茵圍坐花陰合花陰合閒情不似一雙狂蝶  
春溝何處尋紅葉春寒料想羅衣怯羅衣怯午醺醒  
未翠衾重疊

前調

陳三聘

光風薄楊花欲謝春應覺春應覺一庭紅杏粉花吹落  
冶遊無復飛紅索凭高獨上湖邊閣湖邊閣黃昏獨  
倚畫闌西角

前調

陳三聘

青樓缺樓心人倚黃昏月黃昏月入簾無奈柳絲吹雪  
誰人弄笛聲嗚咽傷春未解丁香結丁香結鱗鴻何  
處路遙江闊

前調

陳三聘

春膏集新雷忽起龍蛇蟄龍蛇蟄柳塘風快水流聲急  
傷心有淚憑誰哀尊前容易青衫濕青衫濕渡頭人  
去野船鷗立

前調

張孝祥

雲垂幕陰風慘淡天花落天花落千林瓊玖滿空鸞鶴  
征車縹緲穿花薄路迷一路增離索增離索楚溪山  
水碧湘樓閣

前調

梅

張孝祥

梅花發寒梢挂著瑤臺月瑤臺月和羹心事履霜時節  
斷橋流水聲嗚咽行人立馬空愁絕空愁絕為誰凝  
佇為誰攀折

前調

元夕

張孝祥

元宵節鳳樓相對鰲山結鰲山結香塵隨步柳梢微月  
多情又見珠簾揭遊人不放笙歌歇笙歌歇曉煙輕  
散帝城宮闕

前調

張孝祥

天一角南枝向我情如昨情如昨水寒煙淡霧輕雲薄  
吹花嚼蕊愁無託年華冉冉驚離索驚離索倩春留  
住莫教搖落

前調

程垓

情脈脈半黃橙子和香擘和香擘分明記得袖香薰窄  
別來人遠關山隔見梅不忍和花摘和花摘有書無  
鴈寄誰歸得

前調

程垓

愁無語黃昏庭院黃梅雨黃梅雨新愁一寸舊愁千縷  
杜鵑叫斷空山苦相思欲訴人何許人何許一重雲  
斷一重山阻

前調

楊萬里

新春早春前十日春歸了春歸了落梅如雪野桃紅小  
老夫不管春催老只圖爛醉花前倒花前倒兒扶歸  
去醒來牕曉

前調

劉克莊

遊人絕綠陰滿野芳菲歇芳菲歇養蠶天氣採茶時節  
枝頭杜宇啼成血陌頭楊柳吹成雪吹成雪淡煙微  
雨江南三月

前調

劉克莊

修禊節晉人風味終然別終然別當時賓主至今清絕  
等閒寫就蘭亭帖豈知留與人間說人間說永和之  
歲暮春之月

前調

瑞香

趙彥端

香簌簌小山叢桂烘如玉烘如玉酒愁花暗柳腰如束  
煩君剩與陽春曲為君細拂衾羅額衾羅額一春幽  
悶與君相續

前調

王千秋

雲破碧作霜天氣西風急西風急一行征鴈數聲橫笛  
挑燈試問今何夕柔腸底事愁如織愁如織紫苔庭  
院悄無人跡

前調

王千秋

雲葉舞寒林淺淡圍煙雨圍煙雨三三兩兩鴈投沙渚  
征帆暫落知何所短篷靜聽舟人語舟人語夜寒如  
許客能眠否

前調

楊炎

東風寂垂楊舞困春無力春無力落紅不管杏花狼藉  
斷腸芳草萋萋碧新來怪底相思極相思極冷煙池  
館又將寒食

前調

黃機

秋蕭索梧桐落盡西風惡西風惡數聲新鴈數聲殘角  
離愁不管人飄泊年年辜負黃花約黃花約幾重庭  
院幾重簾幕

前調

茉莉

韓 澹

香滴滴肌膚冰雪嬌無力  
嬌無力秋風涼冷有誰消得  
洗妝不奈雲鬟側壁堂珠院空  
相憶空相憶輕顰淺  
笑小梅標格

前調

汪莘

村南北夜來陡覺霜風急  
霜風急征途情緒塞垣消息  
佳人獨抱琵琶泣一江明月空  
相憶空相憶寒衣未  
絮荻花狼藉

前調

沈端節

憑闌獨南山影蘸杯心綠杯心綠悠然忽見卧披橫軸  
西風暗度釵梁玉手香記得人簪菊人簪菊無窮幽  
韻細看不足

前調

房舜卿

與伊別相思一夜梅花發梅花發淒涼南浦斷橋斜月  
盈盈微步凌波韞東風笑倚天涯闊天涯闊一聲羌  
笛暮雲愁絕

前調

何夢桂

傷離別江南鴈斷音書絕音書絕兩行珠淚寸腸千結  
傷心長記中秋節今年還似前年月前年月那知今  
夜月圓人缺

前調

題蓬萊閣

無名氏

煙漠漠海天搖蕩蓬萊閣蓬萊閣朱甍碧瓦半侵寒廓  
三生謾有長生藥茫茫雲海風濤惡風濤惡仙槎不  
見暮沙潮落

前調

無名氏

秋寂寂碧紗牕外人橫笛人橫笛天津橋上舊曾聽得  
宮妝玉指無人識龍吟水底聲初息聲初息月明江  
岸數峯凝碧

前調

宋媛

朱淑真

彎彎曲新年新月鈎寒玉鈎寒玉鳳鞵兒小翠眉兒蹙  
開蛾雪柳添妝束燭龍火樹爭馳逐爭馳逐元宵三  
五不如初六

前調

季溫歸樵  
陽書寄

宋媛

孫道絢

秋寂寞秋風夜雨傷離索傷離索老懷無奈淚珠零落  
故人一去無期約尺書忽寄西飛鶴西飛鶴故人何  
處水村山郭

前調

完顏璫

寒仍暑春來秋去無今古無今古梁園風月汴堤煙雨  
水涵天影秋如許夕陽低處征帆舉征帆舉一行鷺  
鴈數聲柔櫓

前調

趙秉文

簫聲苦簫聲吹斷夸山雨夸山雨人空不見吹臺歌舞  
危樓目極傷平楚斷霞落日懷千古懷千古一杯還  
酹信陵墳土

前調

張翥

江南北金鞍一去空消息空消息雞聲月店鴈聲霜驛  
春醪誰道濃無滴十分滿引渾無力渾無力離愁似  
海怎生乾得

前調

張翥

金杯側東風易醉多情客多情客送君南浦送春南陌  
落花巧妬羅裙色舞紅變盡休輕拆休輕拆待他歸  
看舊時寬窄

前調

趙雍

春寂寂重門半掩梨花白梨花白芳心如醉暗思當日  
金釵欲墜烏雲側佳人望斷天涯客天涯客今年又  
過清明寒食

前調

倪瓚

扶踈玉蟾宮樹影闌干曲闌干曲一襟香露幾枝金粟  
姮娥鏡掩秋雲綠無端風雨聲相續聲相續不須澄  
霽為沽醽醁

前調

倪璣

參差玉笙聲暮起瑤臺曲瑤臺曲輕風香浸夜涼肌粟  
黃雲巧綴飛霞綠清吟未斷秋霖續秋霖續恐辜花  
意倒尊中醁

前調

楊花

楊基

東風惡一溪春水楊花落楊花落惹人衫袖綴人簾幙  
纔飛却墮能纖弱倏來還去無拘著無拘著山遙水  
遠任伊飄泊

前調

王達

愁如縷誰家落日敲秋杵敲秋杵淡煙疎柳故人何許  
別來每恨關山阻征鴻影落芙蓉渚芙蓉渚短篷孤  
竹幾聲疎雨

前調

湖上  
次韻

史鑑

湖邊寺樓臺舊是春遊地春遊地千花張錦兩山橫翠  
西風闌檻秋無際青山不改朱顏異朱顏異斷橋殘  
柳伴人憔悴

前調

柳絮

陳子龍

春漠漠香雲吹斷紅文幕紅文幕一簾殘夢任他飄泊  
輕狂無奈東風惡蜂黃蝶粉同零落同零落滿池萍  
水夕陽樓閣

前調

感舊

明媛

陸卿子

砧聲咽梅花夢斷紗牕月紗牕月半枝疎影一簾淒切  
心前舊願難重說花飛春老流鶯絕流鶯絕今宵試  
問幾人離別

前調

明媛  
葉小鸞

湘簾揭梧桐落向銀牀咽銀牀咽半庭斜日數堆黃葉  
繡屏一縷消春怯花闌又見飛蝴蝶飛蝴蝶怪他輕  
薄搗衣時節

前調

明妓  
王微

多情月偷雲出照無情別無情別清輝只似暫圓常缺  
傷心好對西湖說湖光如夢湖流咽湖流咽離愁又  
似半明不滅

前調

又一體

賀鑄

曉朦朧前溪百鳥啼匆匆啼匆匆凌波人去拜月樓空  
舊年今日東門東鮮妝輝映桃花紅桃花紅吹開吹  
落一任東風

前調

桑

賀鑄

著春衫玉鞭鞭馬南城南  
城南柔桑細草留住金銜  
粉娥采葉共親蠶蠶蠶饑略許攜纖纖  
攜纖纖前裙淇  
上更待初三

前調

梅

朱雍

風蕭蕭驛亭春信期  
春潮期春潮黃昏浮動誰在江皋  
碧雲冉冉橫溪橋瓊車未至餘香飄  
餘香飄一簾疎  
影月在花梢

前調

程垓

青門深海棠開後春陰陰春陰陰萬重雲水一寸歸心  
玉樓深鎖煙銷沈知他何日同登臨同登臨待收紅  
淚細說如今

前調

陸游

玉花驄晚街金轡聲璁璁聲璁璁間敲烏帽又過城東  
富春巷陌花重重千金沽酒酬春風酬春風笙歌圍  
裏錦繡叢中

前調

張輯

風淒淒井欄絡緯驚秋啼驚秋啼涼侵好夢月正樓西  
捲簾望月知心誰關河空隔長相思長相思碧雲暮  
合有美人兮

前調

高觀國

棲鳥驚隔牕月色寒於冰寒於冰淡移梅影冷印疎櫺  
幽香未覺魂先清無端勾起相思情相思情惱人無  
睡直到天明

前調

宋媛

孫道綽

花深深一鈎羅韞行花陰行花陰間將柳帶試結同心  
日邊消息空沈沈畫眉樓上愁登臨愁登臨海棠開  
後望到如今


前調

顏奎

水雲幽怕黃霜竹生新愁生新愁如今何處倚月南樓  
龍吟杳杳天悠悠騰蛟起鳳鳴瑩篴鳴瑩篴聽吹短  
氣江上無秋



御選歷代詩餘卷十五



總校官庶吉士臣張能照

校對官庶吉士臣陳崇本

校對官檢討臣王福清

謄錄監生臣王以謹

謄錄監生臣宣葆光